



CONVENIO DE COLABORACIÓN ENTRE ENTRE A CONSELLERÍA DO MAR DA XUNTA DE GALICIA E O INSTITUTO DE INVESTIGACIÓNS MARIÑAS – CONSEJO SUPERIOR DE INVESTIGACIONES CIENTÍFICAS (IIM-CSIC) PARA A REALIZACIÓN DO PROXECTO “ESTUDO DO DESENVOLVEMENTO E SAÚDE DAS POBOACIÓNS NATURAIS DE POLBO COMÚN *Octopus vulgaris* EN GALICIA (OCTOSAN)”.

MEMORIA XUSTIFICATIVA

A Directora Xeral de Desenvolvemento Pesqueiro da Consellería do Mar, **DECLARA:**

Que esta Dirección Xeral de Desenvolvemento Pesqueiro formalizou co Instituto de Investigacións Mariñas – Consejo Superior de Investigaciones Científicas (IIM-CSIC) o instrumento convencional arriba referido por un período de vixencia que abrangue dende a súa inscrición en el Rexistro Electrónico estatal de Órganos e Instrumentos de Cooperación do sector público estatal (REOICO) e finalizará o 20 de decembro de 2027.

Que o instrumento convencional ten por obxecto:

Establecer a colaboración entre a Xunta de Galicia, a través da Consellería do Mar, e o IIM-CSIC para estudar o desenvolvemento do ciclo vital do polbo común nas poboacións naturais de Galicia ó longo do ano, así coma avaliar a súa saúde e capacidade de defensa fronte a estresantes ambientais ocasionados polas condicións actuais de cambio climático, e acadar os obxectivos da proposta:

1. Coñecer a capacidade de desenvolvemento do ciclo vital do polbo común (datos biométricos e índice de condición), análise de madurez (índice gonadosomático) e época de posta baixo diferentes variables ambientais (temperatura, salinidade, tormentas) ó longo do ano e en diferentes localidades xeográficas da costa galega.
2. Identificar a posible presenza de parasitos e outros patóxenos. Efecto das variables ambientais estacionais e localidades xeográficas na súa prevalencia.
3. Determinar a capacidade de defensa e resposta do sistema inmune do polbo en cada un dos escenarios ambientais estudados. Análise de biomarcadores indicadores de saúde.





*Actuación cofinanciada polo FEMPA nun 70% - P. para España FEMPA 21-27 CCI 2021ES14MFPR001 [Prioridade 1 – OE1.6] – T.A. 1.6.3 – T.I. 1]
OIX: Dirección Xeral de Desenvolvemento Pesqueiro*

En particular, o convenio regula os compromisos das partes para a execución conxunta das mencionadas actuacións, incluíndo a organización do traballo, a xestión e xustificación da realización das mesmas, os dereitos e obrigas das partes, a distribución dos fondos e a titularidade dos resultados, así como a resolución dos posibles conflitos.

Que existe converxencia de intereses entre as entidades asinantes en orde á consecución do obxecto referido.

Que o instrumento convencional asinado se fundamenta no seguinte:

– Por Orde do 27 de xuño de 2022 créase a Rede entre o sector pesqueiro e os organismos científicos da Comunidade Autónoma de Galicia, coa finalidade de fomentar o intercambio e a transferencia de coñecementos entre os organismos científicos, o sector pesqueiro e a administración pesqueira de Galicia.

– O Regulamento (UE) 2021/1139 do Parlamento Europeo e do Consello, do 7 de xullo de 2021, polo que se establece o Fondo Europeo Marítimo, de Pesca e de Acuicultura (FEMPA), establece o seguinte obxectivo para o período 2021-2027: “Manter a pesca como actividade produtora sostible mediante a xestión sostible e a conservación dos ecosistemas mariños”. Por outra banda, a prioridade 1 do artigo 3 do citado Regulamento 2021/1139 fai mención a “fomentar a pesca sostible e a recuperación e conservación dos recursos biolóxicos acuáticos”, desenvolvendo obxectivos específicos entre os que se atopan: reforzar as actividades pesqueiras que sexan económica, social e medioambientalmente sostibles, obter datos fiables que permitan tomar decisións baseadas no coñecemento e contribuír á protección e á recuperación da biodiversidade e os ecosistemas acuáticos.

– Os proxectos aprobados pola citada Rede financiaranse nun 70% con cargo ao Fondo Europeo Marítimo, de Pesca e de Acuicultura (FEMPA).

– Na xuntanza ordinaria da Rede celebrada o 20 de febreiro de 2025, esta valorou positivamente a realización dun Convenio entre a Xunta de Galicia, a través da Consellería do Mar, e o IIM-CSIC para afondar no estudo do desenvolvemento do ciclo vital do polbo común nas poboacións naturais de Galicia ó longo do ano, así coma avaliar a súa saúde e capacidade de defensa fronte a estresantes ambientais ocasionados polas condicións actuais de cambio climático.

– A Consellería do Mar e o IIM-CSIC consideran esencial o establecemento de accións conxuntas que permitan estudar o desenvolvemento do ciclo vital do polbo común e a súa saúde e capacidade de defensa fronte a estresantes ambientais ocasionados polas condicións actuais de cambio climático. A información derivada deste proxecto proporcionará unha avaliación do estado actual e evolución dos recursos e actividade pesqueira que proporcionará á Consellería do Mar e resto de integrantes da Rede o coñecemento necesario para mellorar a súa xestión e asegurar a sustentabilidade da pesca artesanal en Galicia.





*Actuación cofinanciada polo FEMPA nun 70% - P. para España FEMPA 21-27 CCI 2021ES14MFPR001 [Prioridade 1 – OE1.6] – T.A. 1.6.3 – T.I. 1]
OIX: Dirección Xeral de Desenvolvemento Pesqueiro*

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, de 8 de novembro, de Contratos do Sector Público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria.

Santiago de Compostela, na data da sinatura dixital

A directora xeral de Desenvolvemento Pesqueiro

María de los Ángeles Vázquez Suárez

